

筆記小說大觀

集

里

許叔平著

乘

第三冊

進步書局校印

紅

紅
紅
紅
紅
紅

紅

紅

紅
紅

紅
紅
紅
紅
紅

里藥卷五

蘭茗館主著

摺差

四川武弁某。賁摺入都。限日行三百里。憊甚。時冬月望後。白晝苦短。薄暮路逢古廟。天色已曠。思入廟暫憩。俟月出再行。下馬入廟。見衰草敗葉。填塞沒徑。並無僧道。佛殿二重。前殿正中供佛。香火斷絕。兩偏廂房。西已傾圯。東廂房中停枯柩。雙扉半掩。殿後小院。橙樹數株。皆粗十圍。爰繫馬樹間。仍到前殿。睇佛座下。洞然中空。可容一人。四圍嵌木板。頗可避風。乃解佩刀置佛龕中。展被座下。甫經偃仰。聞馬蹄聲自遠漸近。倏至廟前。姑就板竅窺之。月裁出山。形狀隱約可辨。前一老者乘馬。修髯垂胸。年約五十許。氣象壯偉。後一少年徒步相從。貌亦魁梧。老者下馬。以鞭授少年。相將入廟。繫馬西楹。老者命鋪褥殿堦。居中端坐。少年屏息侍立。意殊惶悚。忽聞老者叱曰。我自弱冠。浪跡江湖。雖藉獵獲為生。然必取之有道。絲毫不敢狂悖。妄肆淫殺。有干天譴。至今三十餘年。幸逃法網。清夜捫心。未嘗不職此之故。不圖汝甫入吾門。便亂吾法。前日之役。若非吾獨殿後。汝曹二十餘人。能一得生者乎。少年鞠躬對曰。唯唯。僉謂幸賴吾師虎威。各叨倖免。老者又冷笑曰。後聞其家有少婦。守節撫孤。汝入其

室既污其母。又殺其雛。汝心安乎。以此惡毒殘忍。令人髮指。皇天有知。決不汝恕。一時微倖漏網。終必不免於大辟。有日擒獲。實為吾黨之累。汝試思之。我尚能貸汝乎。少年聞之。倉皇伏地叩首。曰。弟子罪該萬死。求師息怒。願受責罰。老者唾其面曰。今汝尚欲求生乎。聖人之道。不外一恕字。汝家亦有婦孺。懼此慘辱。汝心甘乎。毋多言。拔所佩刀投之。曰。速伏刃以謝寡婦。且慰孺子之魂可也。少年果受刀再拜。自剄而死。老者起立。顧尸長嘆。拾刀拭血。弑而佩之。又自取褥覆馬背。牽馬出門外乘之。鞭馳而去。某聞之。歷歷初頗愕悸。以老者所言。居然盜不離道。不禁點首稱歎。月色將中。不敢再寢。將起趕路。突聞東廂噉然有聲。厲如老鴉。某大驚。姑再窺之。俄東廂房門啟。一物自內出。長丈許。偏體白毛蒙茸。走至院中。東向望月。目光睒睒。炯若掣電。俯視地上死尸。拊掌狂笑。試蹴以足。復佝身抱尸起。將首級摘擲地下。褫去衣服。始則就腔飲血。繼則咀齧嚼骨。齒牙軋軋。如猫食鼠。久之始盡。又將首級拾起。撩髮作渾脫舞。左盤右旋。樂不可支。隱隱遙聽村雞鳴。其物張皇四顧。擲去首級。復對月掀唇狂笑。拊掌者再。徐徐入東廂房去。某毛髮森豎。賊汗浹衣。悄起躡足。將所賞摺束被中。縛負背上。往後院牽馬出門。跨鞭疾馳。約行五里許。忽憶所佩刀。脫置佛龕。倉猝未及攜帶。廟中死人尸為怪物所食。僅存首級衣服。日後必為疑讞。刀上故鏤已姓名。恐因刀牽連。受累難免。欲

返身攜取。又恐東廂怪物復出。難與抵敵。躊躇再四。意雖已鳴。怪物當不足為患。決意策轉馬頭。至廟下馬。輕步趨赴龕佛。取刀疾出。果聞東廂房棺蓋格格作響。賊甚飛身上馬。絕塵疾馳五十里。東方大明。心始帖然。

里蔡子曰。老者殆盜而近於道者歟。所言不外天理人情。此可謂盜不盜。非常盜也。已。少年所謂死有餘辜。尸葬怪腹。亦天罰所及也。惟此弁欲圖少憩。意外攪擾。不少交睫。所窺二事。是真聞所未聞。見所未見。返身取刀。不為無識。然出險入險。膽略實屬不弱。我今聞之。毛髮猶為之森豎也。

歐公子

粵東慈雲菴內。供觀音大士。香火極盛。比邱尼繁有徒。綰髻纏足。衣飾與人家閨閣無異。託名清淨法場。其實色界情天。較勾欄為尤甚。少年美男子。無意獨身誤入。必使身登佛國。生還無望也。有歐公子者。甫成童。貌娘曲逆。春日踏青。偶過菴外。見倚門兩尼。一年可十七八。一裁及笄。色皆嬌艷。而少者尤幽媚。目盼笑情。風致天成。童子何知。不覺停趾注目。愛戀甚切。兩尼見公子耽耽。長者笑附少者。不知作何耳語。便向招手。公子大喜。趨就之。長者遽挽其袂。向內偕行。少者緩步相從。既至內室。牀褥陳設。珍麗異常。爐焚龍涎百和等香。薰腦襲

隨拉公子並坐榻上。錦衾繡褥。俱極輕膩。命小鬟進茶。手捧獻公子。展問姓名門第。自言妙梅。法號淨影。此間三十六花禪。已行十九。君在此小住。當共相見。公子問少者何名。何處不見。淨影笑曰。渠名妙蓮。法號淨香。齒最稚。向羞見生客。熟則可常相聚。但君寬心住此。此間飲食起居無不可。惟君所欲。恐歷久所熟。君當樂死不願生也。正絮語間。忽聞簾聲雜沓。環佩丁當。遙從門外笑語喧呼曰。聞十九婢招有嘉客。何秘而獨樂。不使人知耶。淨影謂公子曰。三姊領羣姊妹至矣。俄已入房。生起問訊。三姊妙蘭淨因。四姊妙蘋淨塵。七姊妙桂淨蟾。九姊妙貝淨果。十二姊妙華淨鬢。十七姊妙蕊淨珠。廿四妹妙菊淨韻。廿五妹妙藻淨思。卅妹妙桃淨被。卅一妹妙杏淨媽。卅三妹妙葵淨憐。卅四妹妙蕙淨質。共十二人。淨影俱一一為道名號。並為言公子姓名門第。公子視羣妹異姿同妍。目不暇給。淨因笑問淨影。卿何以款嘉客。容我輩闖席否。淨影笑曰。倉猝主人正慮無以款客。得眾姊妹陪話甚善。乃並列兩几。水陸雜陳。各序齒環公子而坐。流觴拇戰。轟飲酣嬉。漏二下。甫罷席。淨因率眾興辭曰。今日叨陪嘉客。當報知諸姊妹。迭為賓主。以饗館甥。公子解人。當不見却。公子唯唯。淨因又笑曰。吉席頭籌。須十九妹獨占。我輩合當速退。毋令人生憎。臨行。又攜公子手端相良久。笑曰。箇兒郎似好花初苞。恐不經風狂雨暴。梅妹須溫存愛惜之。羣姊妹同胡盧一笑而散。淨影送眾出。命婢剪

燭搜門笑撫公子肩調之曰。君日間耽耽注視何為也。公子紅暈兩頰笑不能答。淨影益憐之。爰自緩私小結束。又為公子脫衣。趣與共寢。公子情竇雖開。未經人道。牀第間惟淨影實左。右之事訖。嘆謂公子曰。妾命薄。墮落空門。兒時一念之差。誤破清戒。輒自悔恨。今年甫十八。破戒以來。三年於茲。接君纔得二人緣。一誤不敢再誤。倘非其人。誓不苟合。今偶然遇君。竟不能自持。君自是佳公子。前程遠大。與妾相守。當可無患。然此間瑕瑜不一。恐一但為眾所劫。妾雖欲護持。力寡難敵。奈何。大抵達人貴於應變。可行可止。權自已操。切勿乘興不自珍重。致貽後患。而怨妾作俑也。公子慰之曰。卿所言字字珠玉。小生敢不敬佩。容歸家稟白高堂。求卿與共白首。毋多慮也。淨影嘆曰。此固大好事。但恐不能耳。公子問何以故。曰。難言也。聽雞已鳴。遂重作陽臺之夢。夢覺。日已照窗。淨影推公子起。曰。貪話失眠。未免為羣婢所笑。可以興矣。相將結束。盥漱甫畢。大姊名妙純。號淨絲者。已率眾姊妹聯袂而至。舉帷入房。笑曰。昨夜齏商招同眾姊妹作珠江之游。歸已夜漏過四十刻。聞梅妹招有嘉客。竟至失陪。今特邀眾同來謝罪。淨影含羞答曰。正擬櫛沐。往省姊妹。不謂玉趾同降。於是二姊妙松。淨貞。五姊妙櫻。淨婉。六姊妙蕉。淨書。十四姊妙苔。淨鈿。十五姊妙蒲。淨石。十六姊妙杉。淨碧。十八姊妙萱。淨忘。二十妹妙蘿。淨烟。廿三妹妙芝。淨靈。廿六妹妙薜。淨英。廿七妹妙微。淨完。廿九妹

妙鵲淨宇。卅五妹妙蘅淨佩等。俱各與公子問訊。大姊淨絲凝視公子。戲曰。是兒粉搓玉琢。莫怪阿梅玩弄忘曉。又顧謂淨影曰。我等已議送為東道。愚姊忝居長。已備小饌。且同眾先往客廳敬候。十九妹須代作主人。即速偕客惠臨。免使久待。淨影諾。淨絲等既去。淨影又堅囑公子曰。妾承謬愛。三生有幸。今大姊招飲。又不敢辭。但恐此後恒飲糾纏。皆居君為奇貨。爭寵獻媚。必蕩君心。妾腴且弱。力難抗眾。不能再侍衾枕。昨夜所言。切須留意。倘高興欲圖兼愛。則性命休矣。不可不慎。切記切記。公子笑曰。卿太過慮。何至若是。淨影嘆曰。但願不至若是。便為幸事。乃攜手同至客廳。則見珠圍翠繞。羣花畢集。八姊妙樛淨藥。十姊妙椒淨馨。十一姊妙蒂淨根。十三姊妙櫻淨含。廿一妹妙桐淨微。廿二妹妙蓉淨裳。廿八妹妙竹淨修。卅二妹妙棠淨海等。咸在。淨影一一道其排行名字。公子俱合十為禮。環視眾姊妹。修短穠纖。無不得中合度。惟獨不見淨香。心竊訝之。附耳以叩淨影。答曰。渠自有事。君在此日久。何愁不見。是日廳中共設五席。如梅花式。團樂環列。淨絲肅公子坐客位。自坐主位。餘各按排行環坐。珍羞疊進。異味多莫能名。酒亦甘芳。公子量固豪。羣姊妹皆工歌。故奏淫靡之音。絲竹檀槽。一時並作。公子目娛耳悅。實難自持。羣約輪流。公子雅不欲却。左酬右應。樂而忘死。淨影或為乞免。僉謂公子自樂之。干卿甚事。一夜假伉儷。那便如此醜態。令人齒冷。淨影乃

不敢再言。日昃罷席。大姊淨絲便下。逐客令曰。諸妹且退。眾各會意告辭。淨絲無可如何。悄攝公子衣。示之以目。公子含笑點頭。眾等既去。淨絲攜公子至房。陳設較淨影尤精。更漏初下。即趣就寢。蓋三十六花禪中。惟大姊年二十有三。二姊三姊俱二十有一。其餘所謂姊者。皆二十不足。十八有餘。所謂妹者。皆十五六七。齒序長幼。不過計以日月而已。淨絲幼受本師秘傳內視法。師圓寂後。諸妹叩求。吝不肯授。齒雖稍長。望之如十七八歲。公子領略秘趣。視淨影味同嚼蠟。豈復尚憶其所囑。從此與淨絲情倍親昵。淨絲又能迎合其意。日招二三姊妹同牀迭薦。恣其媒狎。不半月。諸姊妹輪接已徧。眾喜淨絲不妒。皆曲意事之。間招淨影。恥其所為。輒婉辭之。惟竊為公子寒心。公子自遇淨絲。日得羣美同樂。絕不復思淨影。以其絮聒。竟不敢至其室。偶爾相遇。勉寒暄一二語。即逴而避之。淨影雅窺其意。亦不便過於親近。瞬屆端陽。置酒賀節。天氣初熱。眾姊妹與公子狎習既慣。酒酣益復忘形。各脫却褻衣。裸體僅着詞黎子。各口含酒醕。公子公子亦含酒遞酬之。強酬淨影。拒不肯受。眾厭淨影矯同。互諛讓之。五姊淨婉笑曰。人各有志。不必相強。十九妹不喜從眾。亦姑聽之。且我輩得識公子。實自十九妹始。不可忘也。二姊淨貞笑曰。五妹之言是也。大姊淨絲笑曰。吾師臨終授我至寶。謂他日如遇可意郎君。遵而行之。一生受用不盡。既遇公子。當與妹等共試之。乃命

侍兒速將衣箱中黃緞袱所裹一冊攜來。俄頃捧至置几上。將袱解開。眾挨肩共視。乃冊一本。宋錦裝面。上粘泥金牋簽。文待詔書元宮演樸兒圖六字。將冊展開。前標藏金牋兩頁。許高陽隸書三十六宮皆是春七字。入後三十六冊。皆周東郭工筆所畫秘戲圖。窮形盡態。神情活現。每閱一冊。互相贊嘆。淨影略觀二三冊。便獨起倚闌。他視若有所思。眾亦不以為意。淨絲將公子擁坐膝上。手指口授義蘊畢宣。公子見所未見。重以淨絲善於設法。更聞所未聞。實欲按圖一一親試。而後快。淨絲已窺其意。命婢拂拭楊妃榻。鋪以龍鬚錦席。淨影獨自告辭。眾亦不留。公子見淨影已去。益無忌憚。與姊妹臨摹粉本一頁。不肯遺漏。卜晝卜夜。猶嫌未足。淨影傾其所為。不忍坐視其死。暇無人時。邀公子於僻處。泣諫曰。君不聽妾言。死期伊邇。妾悔不合招君入室。倘有不虞。妾實為之罪魁。故不忍不諫。諫而聽之。君之幸也。不聽他日九原亦可不怨妾也。君本雖弱書生。欲以一雄敵羣雌。不死何待乎。願熟思之。公子笑曰。卿言是也。敬聞命矣。然未免咒我太甚。何至若是。卿請毋慮。淨影嘆曰。癡兒不足與言也。知不可諫。又恐招眾怨。恨恨而去。公子自至淨絲處。長枕大被。與眾同樂。眾又爭獻房術藥。以助其興。一日正服膺肺腑。淨影適來見之。詫曰。此何物也。君甘之如飴。是非欲速其死而何耶。公子笑曰。卿又來咒我。何至若是。卿請毋慮。會淨影母恙。招令暫歸。淨影與公子作別。

曰。甘言逆耳。知君不快。請暫與別。他日來當索君於枯魚之肆矣。公子笑曰。卿可謂善頌善
禱。淨影歸後。公子更無拘束。遇眾姊妹。交不擇地。嘗星月之下。露戰無厭。倏屆秋令。商飈驟
吹。頓感寒疾。始則微嗽。畏風猶力。疾強與眾為歡。繼則下體兼滲漏。日漸尪瘦。竟不能鞠躬
効力。羣雌初猶分班伺應。飲食藥餌。後頹敗日劇。一息僅存。扶牀難立。僉謂不能再生。遂閉
置幽室。使一婢蠲守視之。待其自斃。火化滅跡。並戒毋許泄漏消息。從此眾姊妹等。或出門
赴豪貴之招。或藏狎客於室。各尋所樂。公子處絕不復過問。公子少小驕佚習慣。今既抱病。
又衣食失調。鎮日如坐狴犴。悔不聽淨影言。寧由自作。竊冀一臨存。而足音杳然。縣恨牀蓐。
舉目無親。悞悞常欲自盡。忽一人推門至牀前。低聲呼曰。公子別來無恙。公子方倚枕假寐。啟
目視之。非他乃淨香也。亟起坐問曰。卿非淨香也耶。曰。是也。曰。卿殺我矣。來何為者。淨香愕
然曰。天乎冤哉。疇昔相從入菴。計君必有今日。自以腆膺。羞與眾等為伍。故不肯與君相晤
會。次日舅氏生辰。往與為壽。以姁邀偕。朝南海。往返四月有餘。頃來菴。聞君已卧病。何為我
殺君也。公子嘆曰。曩日非見卿。決不停視。祇為卿故。一縷癡情。遂牽出如許葛藤。謂非卿殺
我耶。淨香笑曰。此周内之詞也。願十九姊乃多情之人。何忍使君憔悴至此。公子握手曰。卿
勿言。吾負若矣。遂備述歷諫之詞。並告之悔。淨香問曰。為今之計。奈何。公子曰。吾思家甚。卿

為我寄語父母可乎。淨香遽掩其口曰。君勿妄語。若他人聞之。則君殆矣。羣姊慮君家修怨。恐人洩漏消息。防戒必嚴。偵知君有此心。反多不利。君第安之。容有緩圖可也。自是服食一切皆淨香料。檢漸有起色。公子甚稱感之。淨香笑曰。妾之與君。正合兵法所謂人棄我取。倘有日得志。其何以報不穀。公子笑曰。果如卿言。有日微倖得志。當香花供奉。以報大德。淨香嘆曰。從古男子負心者多。果爾。恐不再憶薄命人也。公子指天申誓曰。如忘大德。皇天促滅。淨香急止之曰。妾試君耳。何云及此。容招十九姊來共壽之。公子曰善。公子忽思魚羹。淨香命市鮮鱗一尾。公子見魚。偏有所觸。謂淨香曰。古人魚腹藏書。我亦效其法。寄書家人可乎。淨香叩問何法。曰。我作一書。以油紙裹納魚腹。佯謂此魚不堪食。將出另易一尾。此魚不論何人所得。剖腹見書。必報我家。則小生得出於難矣。淨香點首笑曰。此法甚妙。然必須為妾地。公子曰。我果得出。當使黑白有分。不致玉石俱災也。淨香大喜。乃如法命人返魚於市。另易一尾。先是公子出遊。連日不歸。父母禱神問卜。倚閭泣望。且徧榜通衢。懸賞訪覓。公子固巨族。里黨無不知者。某甲得魚腹中。見公子手書。急持書趨報其父母求賞。父母大喜。如榜給賞。急赴愬有司。率兵役圍菴。搜得公子。將所謂三十六花禪者。一律拘繫。惟淨影以侍母疾在家。幸而漏網。公子與父母相見。悲喜交集。且泣述淨香之德。悖之不祥。父母聞之。亦深德。

淨香請諸有司。攜與俱歸。其餘俱責令配人。將菴改為公所。淨香早失怙恃。使告其舅姑。留為公子蓬室。俟親迎而後成禮。公子調攝半年。始復其初。聘妻甚賢。入門愛淨香溫存可人。又感其袒救公子。略去嫡庶。願締姊妹。及初當夕。果然處子也。初淨影與公子一夜綢繆。居然體孕。後以母疾回家。母愈聞菴已毀。姊妹雲散。不勝賦愕。聞淨香已歸公子。竊深嘆羨。自幸未及與禍。誓依母奉佛懺過。決不他嫁。及分娩儼然男也。守志益堅。淨香固與淨影善。聞之以告公子。公子念其相待情殷。幾至藥石成仇。實為薄倖。又聞一索得男。尤深慶幸。與淨香商之。故使人風示父母。父母望孫正切。即使淨香往請其母。以禮迎歸。淨影嘗戲謂公子曰。妾當日謂君當以樂死。不謂尚有今日。公子笑曰。當日不能從諫如流。幾不能與卿相見。淨影笑曰。何至若是。卿請毋慮。公子笑曰。卿休矣。而今而後。吾知免矣。吾過矣。吾過矣。里察子曰。語云十步之內。必有芳草。三十六花禪中。而有淨香。可謂翹楚矣。如淨影者。一度春風飄然不再。其拳拳敦勸。至再至三。即途比愛君。何以異是。且預為料患。自悔作俑。為罪之魁。卒以侍母獨歸。未及與禍。不然與眾同譴。雖非罪魁。亦難辭厥罪。惟均矣。何至若是。卿請毋慮。公子固屢言之矣。乃竟不至若是。實出淨影意料之外。觀後日戲作報復語。可謂得意之極。然若不得淨香。雖有魚腹傳書之謀。又將焉用。彼菴中之坐待其斃。火化滅跡者。不

知凡幾。何物公子而獨能幸免耶。不登佛國。得遂生還。是誠微倖於萬一也。少年選事者觀之。可不凜之慎之歟。

虎釣

虎尾其氣腥以羶。飢輒垂尾江邊。餌魚為食。鰱鰻鯉各種大魚多為所釣。岳州城故濱江口。有虎垂尾餌魚。適有大鼃過。聞其腥羶。遽啣其尾。虎痛甚。急聳身一躍。墮城堞齒間。虎在堞內。鼃在堞外。如負擔然。虎痛尾愈擺。鼃之持之也愈固。天明有人過城下。見而兩得之。以鼃擒虎有功。遂殺虎而昇鼃縱於江。

里蔡子曰。吾鄉有濱江而居者。屋旁有柵豢豕。往往為虎所食。鄉人遂不復豢豕。他日得一鼃。暫閉於柵。虎夜過聞咻咻聲。以為豕也。試探以爪。遽為鼃所啣。竟不能脫。卒為鄉人所殺。噫。嘻。虎為口腹所累。又多厄於鼃。亦奇矣哉。

俞壽霍

道光甲辰秋。吾邑東鄉農人某鋤地得一罈。勅勅封口。破之。白氣一道上冲十餘丈。忽聞空中有人言曰。悶煞人也。閉我二百餘年。不謂再睹天日。某大驚。駭仆地上。空中又言。君請無畏。吾感君見放。必有以報。不敢崇君也。君歸。晚間當夢中相見。吾去矣。言訖。絕不聞聲。某歷

歷在耳以爲白晝遇鬼賊。暈猝不能興。俄妻若子來餉。見某卧地呼之。不答。莫喻其故。相將扶歸。某喃喃嚙語。但稱怪事。叩之。又不甚了了。意其中惡。俗以清水一碗。置三飭其中。左手扶筋。右手掬水澆筋上。口默呼鬼神名。筋直立。碗中水。即知爲某神鬼所憑。取茶米一撮。撒碗中。禳之。病立愈。名曰出湯。效驗最速。某妻如法禳之。果少安。思睡。戒人勿擾。夜果夢一古衣冠少年。揖而謂曰。我俞壽霍也。感君破婢得出。特來相謝。某審其跡。曰。予與君同里。前思宗殉國之次年。乙酉七月。晝寢。見一皂隸來。出鐵索繫予頸。拘至一處。儼如官署。一官氣象尊嚴。怒容可掬。旁一吏唱名。令跪案下。上坐者叱曰。汝家累世受國恩。賊屠毒生靈。罪應炮烙。即見鬼役舁銅柱一具。高約八尺許。置堂西隅。柱中燃上下俱赤。上坐厲聲喝令將予炮烙。左右兩鬼役。青面赤鬚。狀貌猙獰。應聲曰。禳予衣。予殼鯨股栗。心膽俱碎。急大聲哀呼曰。小人並未勾賊。受此酷刑。心實不此曰。汝猶呼冤也耶。即將一冊擲付予閱。冊上大書。極兇鬼犯一名。余壽鶴。南順治二年夏。左師次九江。該犯勾其部曲。擾劫沿江一帶居民。除淫擄不計外。六萬八千四百三十五人。罪應炮烙六千八百四十次。予閱之急辨曰。小人乃平並不識左師部曲。尚求察宥。上坐顏色頓霽曰。汝非銅陵余壽鶴耶。曰然。

命吏稽子陽壽尚有三十七年。上坐叱責皂隸誤拘。命笞三百。仍令送子還。明年選事者觀熱屍已腐臭。皂隸懼曰。殆矣。子執其袂問曰。汝將焉置予也。皂隸躊躇久之曰。

較生人為樂。君願之否。子問如何。曰。南山有狐拜月鍊丹。大道垂成。吾竊奪。

可作鬼仙。並可從心所欲。不較生人更樂耶。子見屍已潰。無可如何。只合首岳州城故濱江至南山。果見一大赤狐跪而拜月。口含一珠。忽吐忽吸。大如彈丸。寶光耀目。最堪齒間。虎在伺其吐時。遽攘以授子。吞之。狐失丹大哭。起與皂隸鬪。皂隸笑曰。始吾畏子。今而兩得之。以吾不畏子矣。狐無如何。白眼怒視子曰。丹被子吞。此殆天命。得登仙錄。須無忘。

我千年。乃得成道。一怒跳躍而去。子吞丹。頃刻即成人體。並可隱形。皂隸囑曰。賀他日得一意修道。十二年即成地仙。又十二年可晉天仙。最忌犯色戒。而孀婦處女比丘尼三所殺尤宜忌之。犯者必干天譴。且露形駭世。亦所不利。均宜嚴戒。君其勉之。子謝受教。自後予探名山。濟巨川。陸不車。水不船。下達九幽之地。上昇九重之天。凡十洲三島。宇內所稱名勝者。無不悉恣予之遊觀。不飢不寒。隨遇而安。憑虛御風。居然散仙。惟欲心未斷。見美色不能忘情。初猶謹守皂隸教其所戒三種人。概不敢犯。意勾欄中人。無傷名節。因擇妓之尤者而狎之。色戒既破。心日放而難收。後見良家好婦人。亦漸垂涎而染指焉。子服狐丹。與尋常鬼。

怪不同。不惟能具人體。並可幻美男子。陳平潘安。隨意變化。以故良家子。多半樂從。予意益得。偶過浙東溫州府。會城外鬻弄男女觀者如堵。中一及笄女郎。色獨殊眾。鞠部適演祿廟。大女郎睹其媒褻之狀。不禁神癡。予竊笑曰。此兒情實開矣。乃幻為美少年。試挑以目。女郎不以為忤。亦遙以目送情。予喜曰。得之矣。女郎為富室某翁愛女。薄暮予復隱形尾之而歸。夜分人靜。女郎下幃。掩戶對燈。若有所思。予料其可犯。復幻美男子。推門褰幃徑入。女郎驚問。君何人也。黃夜那得來此。予揖之曰。日間幸睹玉容。愛慕不忍捨。特踰牆相從。求卿見憐。女郎沉吟良久。便任。予問予邦族。詭詞以對。女郎意甚欣然。囑勿高聲。予遽闔扉。要與共寢。曲盡綢繆。情均伉儷。年餘漸有竊議者。女郎告予。來去切須慎密。防人覺察。予慰之曰。小生幼受異人秘傳。可以隱形。雖天地神祇亦不能奈何。我卿請放心。女郎不信。予姑隱形使覘之。乃大喜。其家察予踪跡不得。或有猜為妖者。因使阿母來伴女寢。伺母睡熟。兩人交如故。一夜母醒。聞而大呼。家人執梃破扉入。索予不得。益信為妖。富翁徧禱東嶽城隍。又延僧道祓除。皆無效。富翁益怒。使人往龍虎山懇於天師。尋遣法官來治。登壇禮醮。伎倆亦與僧道等。予顧而嫵笑之。戲謂女郎曰。技止此耳。越三日。甫交子初。法官具表上申。召請上界星官神將。予猶不以為意。忽見法官將袖一拂。掌中霹靂有聲。天門驟開。諸神齊降。予大驚。急欲